



SLUŽBENE NOVINE GRADA ZENICA

GODINA LI
Broj 3

Ponedjeljak, 3. 3. 2025. godine

ISSN 1840-4588

GRADSKO VIJEĆE

20.

Na osnovu odredbe člana 13. stav 2. alineja peta Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), odredbe člana 363. stav (5) Zakona o stvarnim pravima („Službene novine FBiH“, broj: 66/13, 100/13 i 32/19 – Odluka US) te odredbe člana 21. tačka 7) i odredbe člana 103. stav (2) Statuta Grada Zenica („Službene novine Grada Zenica“ broj: 5/15), na prijedlog Gradonačelnika, Gradsko vijeće Zenica, na 5. sjednici održanoj dana 24. 2. 2025. godine, donosi

O D L U K U

O PRENOSU PRAVA VLASNIŠTVA NA ZEMLJIŠTU I OBJEKTIMA U KRUGU KOMPLEKSA JU KANTONALNA BOLNICA ZENICA, UZ NAKNADU

Član 1.

(Javni interes)

Polazeći od ranije zauzetih stavova i donesenih odluka, Gradsko vijeće utvrđuje da je tercijarna zdravstvena zaštita savremenog standarda kvaliteta sa kantonalnim centrom u gradu Zenica, kao dio javnog zdravstva koji je u nadležnosti državnih organa, javni interes Grada Zenica i njenih građana.

Član 2.

(Predmet)

(1) Uvažavajući značaj kompleksa JU Kantonalne bolnice Zenica (u daljem tekstu: JU KBZ), uključujući ukupno raspoloživo zemljište i postojeće objekte u sklopu istog kompleksa, u svrhu formiranja i uspostave kliničkog centra te sticanja statusa univerzitetske bolnice, a sve s ciljem pružanja podrške u uspostavljanju savremenog standarda kvaliteta usluga prema

korisnicima tercijarne zdravstvene zaštite na teritoriji Grada Zenice i Zeničko – dobojskog kantona, Gradsko vijeće prenosi pravo vlasništva na zemljištu i objektima u krugu kompleksa JU KBZ sa Grada Zenica na Zeničko – dobojski kanton, uz naknadu iz člana 3. ove odluke.

(2) Predmet prenosa prava vlasništva iz stava (1) ovog člana je sljedeće zemljište:

- k.č.n.p. broj: 78/1, zv. „Crkvice“, po kulturi „Kuća i zgrada (18)“ površine 11719 m², „Ostalo neplodno zemljište“ površine 96713 m² i „Ostalo neplodno zemljište“ površine 1327 m², ukupne površine 109759 m², upisano u Posjedovnom listu broj 247 KO Zenica III kao posjed Grada Zenica sa 1/1 dijela, kojem po starom premjeru odgovara k.č.s.p. broj: 78/1, istog naziva, kultura i površina, upisano u Zemljišnoknjižnom izvatku broj: 880 KO Zenica III kao vlasništvo Grada Zenica sa 1/1 dijela i

- k.č.n.p. broj: 78/2, zv. „Crkvice“, po kulturi „Ostalo neplodno zemljište“ površine 1100 m², upisano u Posjedovnom listu broj 1543 KO Zenica III kao posjed „Medicor“ d.o.o. Sarajevo, kojem po starom premjeru odgovara k.č.s.p. broj: 78/2, istog naziva, kulture i površine, upisano u Zemljišnoknjižnom izvatku broj: 9086 KO Zenica III kao vlasništvo Grada Zenica sa 1/1 dijela,

sve sa izgrađenim objektima evidentiranim na Kopiji katastarskog plana broj: 4 KO Zenica III (UR broj: 04-26-10-2865/2025-6).

(3) Obavezuje se Zeničko-dobojski kanton da odmah po izvršenju prenosa prava vlasništva u skladu s odredbama člana 4. ove odluke uredi ugovorni odnos sa „Medicor“ d.o.o. Sarajevo kao nosiocem prava građenja na zemljištu označenom kao k.č.n.p. broj: 78/2 KO Zenica III.

Član 3.**(Naknada)**

Naknada za prenos prava vlasništva na nekretninama iz člana 2. ove odluke utvrđuje su u iznosu od 16.000.000 KM (slovima: šesnaestmiliona konvertibilnih maraka).

Član 4.**(Prenos prava vlasništva)**

(1) Ugovor o prenosu prava vlasništva sa Grada Zenica na Zeničko – dobojski kanton iz predmeta ove odluke bit će sačinjen u formi notarske izvršne isprave, čije će troškove snositi Zeničko-dobojski kanton.

(2) Prenos prava vlasništva sa Grada Zenica na Zeničko-dobojski kanton, odnosno upis istog u javne knjige u korist novog titulara prava, izvršit će se temeljem ugovora iz stava (1) ovog člana i to nakon što Zeničko-dobojski kanton uplati na depozitni račun Grada Zenica cjelokupan iznos naknade utvrđen odredbom člana 3. ove odluke najkasnije do _____ 2025. godine.

(3) Naknadu iz stava (2) ovog člana Zeničko-dobojski kanton uplatit će na depozitni račun Grada Zenica broj: 141-355-53200161-07, otvoren kod BBI d.d. Sarajevo, vrsta prihoda: 811111, šifra općine: 103, budžetska organizacija: 0000000 ili 9999999, poziv na broj: 0000000000 ili 9999999999.

Član 5.**(Ovlaštenje za provođenje odluke)**

Ovlašćuje se Gradonačelnik da potpiše notarski obrađen ugovor iz člana 4. stav (1) ove odluke te da angažuje potrebne resurse i provede sve neophodne aktivnosti u cilju realizacije istog.

Član 6.**(Dokumentacija)**

Sastavni dio ove Odluke čini sljedeće isprave i dokumentacija:

1. Izvod iz Posjedovnog lista broj 247 KO Zenica III, broj: 04-26-10-2865/25-8 od 18.02.2025. godine,
2. Izvod iz Posjedovnog lista broj 1543 KO Zenica III, broj: 04-26-10-2865/25-10 od 18.02.2025. godine
3. Kopija katastarskog plana broj: 4 KO Zenica III (UR broj: 04-26-10-2865/2025-6) od 18.02.2025. godine,

4. Zemljišnoknjižni izvadak broj: 880 KO Zenica III,
5. Zemljišnoknjižni izvadak broj: 9086 KO Zenica III,
6. Zahtjev JU Kantonalna bolnica Zenica broj: 01-04-7771/24 od 25.12.2024. godine, upućen Gradskom vijeću Zenica, kojim se traži uređenje imovinsko-pravnih odnosa,
7. Zahtjev JU Kantonalna bolnica Zenica broj: 01-04-7770/24 od 25.12.2024. godine, upućen Gradskom vijeću Zenica, kojim se traži saglasnost za izgradnju novih objekata u krugu kompleksa iste bolnice,
8. Informacija JU Kantonalna bolnica Zenica broj: 01-04-350/25 od 16.01.2025. godine, upućena Ministarstvu zdravstva Zeničko-dobojskog kantona,
9. Zaključak Vlade Zeničko-dobojskog kantona broj: 02-11-1121/25 od 17.01.2025. godine,
10. Rješenje Vlade Zeničko-dobojskog kantona broj: 02-11-1601/25 od 24.01.2025. godine,
11. Rješenje Gradonačelnika Zenice broj: 02-45-1198/25 od 22.01.2025. godine i
12. Zapisnik sa sastanka održanog s ciljem iznalaženja rješenja u vezi sa regulisanjem imovinsko-pravnih odnosa između Grada Zenica i JU Kantonalna bolnica Zenica održanog 7. februara 2025. godine sa popisnom listom učesnika navedenih u istom zapisniku.

Član 7.**(Stupanje na snagu)**

Ova odluka stupa na snagu danom njenog donošenja i objavit će se u „Službenim novinama Grada Zenica“.

Broj: 01-45-4042/25
Zenica, 24. 2. 2025. godine

PREDSJEDAVAJUĆA
GRADSKOG VIJEĆA
Snježana Vrhovac, s.r.

21.

Na osnovu člana 2. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17, 9/18, 46/23 i 88/23), člana 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 21. i 116. Statuta Grada Zenica ("Službene novine Grada Zenica", broj 5/15) Gradsko vijeće Zenica na 5. sjednici održanoj 24. 2. 2025. godine, donijelo je

ODLUKU

o dopunama Odluke o organizaciji i sigurnosti saobraćaja**Član 1.**

U Odluci o organizaciji i sigurnosti saobraćaja ("Službene novine Grada Zenica", broj 8/24) u članu 19. dodaje se novi stav (2) koji glasi:

"(2) Izuzetno, nije dozvoljeno kretanje motornih vozila licima iz stava (1) tačka a) ovog člana u ulici Maršala Tita."

Član 2.

U članu 41. u stavu (1) iza tačke d) dodaje se nova tačka e) koja glasi:

"e) postupi suprotno članu 16. stav (4) Odluke,".

U istom stavu, iza tačke e) koja je ovim dopunama postala tačka f), dodaje se nova tačka g) koja glasi:

"g) postupi suprotno članu 19. stav (2) Odluke,".

Dosadašnje tačka e), f), g), h), i), j) i k) postaju tačke f), h), i), j), k), l) i m).

Član 3.

Odluka stupa na snagu osmog dana od dana objavljivanja u Službenim novinama Grada Zenica.

Broj: 01-45-4607/25
Zenica, 24. 2. 2025 godine

PREDSJEDAVAJUĆA
GRADSKOG VIJEĆA
Snježana Vrhovac, s.r.

22.

Na osnovu člana 21. tačka 10) Statuta Grada Zenica ("Službene novine Grada Zenica", broj 5/15) i člana 8. stav (2) Odluke o privremenom korištenju javnih površina ("Službene novine Grada Zenica", broj 3/24) Gradsko vijeće Zenica na 5. sjednici održanoj 24. 2. 2025. godine donijelo je

PLAN

KORIŠTENJA JAVNIH POVRŠINA NA PODRUČJU GRADA ZENICA ZA 2025. GODINU

I UVODNE ODREDBE

Član 1.

(1) Plan korištenja javnih površina na području grada Zenica za 2025. godinu (u daljem tekstu: Plan), sadrži detaljno označene površine i lokacije na kojima se može vršiti privremeno zauzimanje javnih površina, kao i urbanističko-tehničke uslove i druge elemente potrebne za izdavanje odobrenja za zauzimanje javnih površina.

(2) Plan sadrži tekstualni i grafički dio.

(3) Tekstualni dio Plana sadrži bliži opis i broj lokacija koje se daju na korištenje sa sadržajem i namjenom koja će se obavljati na planiranim lokacijama.

(4) Grafički dio Plana sadrži prikaz planiranih lokacija za privremene objekte, odnosno namjene sa odgovarajućim oznakama i dimenzijama.

Član 2.

Plan je osnov za izdavanje odobrenja za privremeno korištenje javne površine u 2025. godini, za namjene koje su propisane članom 4. Odluke o privremenom korištenju javnih površina.

Član 3.

(1) Planom je predviđeno privremeno korištenje javne površine na području Grada Zenica za sljedeće namjene:

- a) postavljanje kioska do 20 m²,
- b) postavljanje ljetnih bašti ispred ugostiteljskih objekata,
- c) postavljanje slobodnostojećih ljetnih bašti,

- d) postavljanje zimskih bašti ispred ugostiteljskih objekata,
- e) postavljanje slobodnostojećih prodajnih stolova – tezgi ispred trgovinskih objekata za prodaju i izlaganje robe,
- f) postavljanje rashladnih uređaja (frižidera) za prodaju napitaka i sladoleda,
- g) postavljanje slobodnostojećih izložbenih ili prodajnih stolova (pokretne tezge) za prodaju ukrasnih predmeta, bižuterije i slično, te prodaju pečenjarskih proizvoda i umjetničkih slika,
- h) postavljanje prodajnih stolova povodom praznika (Nova godina, Osmi mart, vjerski praznici),
- i) postavljanje dječije igraone - trampoline,
- j) postavljanje reklamnih objekata (panoi tipa „jumbo“, „city light“ i slično).

(2) Za postavljanje bina za manifestaciju ili za događaj koji se održava na području grada, kao i za drugu namjenu, utvrđenu Odlukom o privremenom korištenju javnih površina, a koja nije obuhvaćena ovim planom, Služba za urbanizam može odobriti korištenje javne površine na osnovu važećih propisa.

Član 4.

Područje grada Zenica u pogledu korištenja javnih površina dijeli se na Ekstra zonu, I-a zonu, I, II i III zonu:

- a) Ekstra zona obuhvata područje ulica Maršala Tita, Muhameda Seida Serdarevića, Stara čaršija, Trg Alije Izetbegovića, uključujući i plato kina „Ekran“, Talića Brdo, Londža i Bulevar Ezhera Eze Arnautovića (dio od spoja sa ulicom Talića Brdo do spoja sa ulicom Jevrejska),
- b) I-a zona obuhvata područje ulica Sarajevska (dio od početka ulice do „Bojina vira“), Armije R BiH, Islambegovića put, Dr. Safvet bega Bašagića, Kučukovića put, Mehmedalije Tarabara, Masarykova, Školska, Branilaca Bosne, Dr. Abdulaziza-Aska Borića, Bulevar Kulina Bana, Bulevar Kralja Tvrtka I, Fra Ivana Jukića, Fra Grge Martića i Bulevar Ezhera Eze Arnautovića (izuzev dijela koji je obuhvaćen Ekstra zonom).

- c) Prva, druga i treća zona određene su granicama zonske podjele građevinskog zemljišta propisane odredbom člana 9. Odluke o građevinskom zemljištu Grada Zenica („Službene novine općine Zenica“, broj: 4/07, 2/08-prečišćen tekst, 5/08, 1/10, 2/11, 2/13 i 1/14 i „Službene novine Grada Zenica“, broj: 2/15, 2/16, 3/17, 2/18 i 1/20), s tim da su iz tih zona izuzete ulice koje su obuhvaćene Ekstra i I-a zonom.

II POSTAVLJANJE MONTAŽNIH OBJEKATA TIPA „KIOSK“

Član 5.

(1) Kiosk je montažno-demontažni, lako prenosivi objekat, koji se ne može zidati, već samo postaviti na određenu lokaciju na javnoj površini i na tom mjestu finalizirati montažom dodatnih elemenata, minimalnim radovima na izradi podloge i priključiti na komunalnu infrastrukturu.

(2) Planom se zadržavaju lokacije za postojeće kioske i planira pet novih lokacija za postavljanje tipskih kioska u ulicama Crkvice, Armije R BiH, Prve zeničke brigade, Željeznička i Travnička, a koje će se dodjeljivati na osnovu javnog oglasa – putem postupka javnog nadmetanja i to za namjenu obavljanja djelatnosti prodaje štampe i duhanskih proizvoda.

Lokacije planiranih kioska prikazane su na grafičkom prilogu broj 1.

III POSTAVLJANJE LJETNE BAŠTE ISPRED UGOSTITELJSKOG OBJEKTA

Član 6.

(1) Ispred ugostiteljskih objekata radi pružanja ugostiteljskih usluga na otvorenom prostoru dozvoljava se postavljanje stolova i stolica i formiranje ljetne bašte na javnoj površini u periodu trajanja „ljetne sezone“ od 01.04. do 30.09.2025. godine.

(2) Zahtjev za privremeno korištenje javne površine za postavljanje ljetne bašte može se podnijeti Službi za urbanizam do 28.03.2025. godine, izuzev zahtjeva koji se odnosi za postavljanje ljetne bašte novoformiranog ugostiteljskog objekta.

(3) Zbog povoljnijih vremenskih prilika, izuzetno se može produžiti trajanje ljetne sezone do 15.11. 2025. godine, te su u tom slučaju utvrđuje obaveza podnošenja zahtjeva za zadržavanje lokacije ljetne

bašte, Službi za urbanizam najkasnije do 20.09.2025. godine.

Član 7.

(1) Broj lokacija za postavljanje ljetnih bašti je promjenljiv i iste su podijeljene u zone definisane članom 4. Plana.

(2) Planom se posebno utvrđuju dimenzije i opremanje ljetnih bašti u Ekstra zoni i I-a zoni.

Član 8.

(1) Ljetne bašte ispred ugostiteljskih objekata u sklopu „Stare čaršije“ moguće je planirati u okviru građevinske linije isključivo ispred (u frontu) ugostiteljskog objekta.

(2) Postavljanje ljetne bašte na ostalim lokacijama ispred ugostiteljskih objekata na području grada određuje se prema urbanističko-tehničkim uslovima Službe za urbanizam.

(3) Ljetne bašte ispred ugostiteljskih objekata koje se nalaze u sklopu stambeno poslovnih objekata mogu biti natkrivene PVC hidroizolacijskom membranom i slično.

(4) Postavljanje ljetne bašte ispred novoformiranih ugostiteljskih objekata, koji su započeli s radom nakon donošenja ovoga plana, određuje se prema urbanističko-tehničkim uslovima Službe za urbanizam, u skladu sa lokacijom, prostornim mogućnostima i općim odredbama za postavljanje ljetnih bašti.

(5) Proširenje ljetne bašte u odnosu na dimenzije utvrđene u Grafičkom prilogu koji čini sastavni dio Plana, može se omogućiti izuzetno, ako postoje urbanističko-tehnički uslovi za proširenje ljetne bašte na javnu površinu.

Član 9.

(1) Ljetne bašte u Ekstra zoni i I-a zoni opremaju se jednoobraznim urbanim mobilijarom (stolovi i stolice), koje moraju biti moderno dizajnirane i izrađene od savremenih materijala.

(2) U ljetnim baštama mogu se postaviti suncobrani, koji mogu biti četvrtasti, slobodnostojeći, jednoobrazni, u crvenoj, sivoj, bež ili bijeloj boji i koji mogu imati reklamu samo po obodu ili tende koje mogu biti u crvenoj, sivoj, bež ili bijeloj boji i mogu imati reklamu po obodima na maksimalno 10% površine tende na donjem rubu i u dimenzijama koje propiše Služba za urbanizam.

(3) Postavljeni i otvoreni suncobrani odnosno tende, mogu natkrivati samo tlocrtnu površinu ukupne površine odobrene ljetne bašte, bez zatvaranja bočnih vertikalnih strana.

Član 10.

(1) Na ravnom terenu elementi ljetne bašte postavljaju se direktno na teren, bez podnih platformi, bez ikakvog oblaganja ili postavljanja itisona, odnosno sličnih pokrivala.

(2) Na terenu koji je u nagibu površina za upotrebu treba da ima podnu platformu od montažno - demontažnih elemenata sa završnom obradom od drveta ili sintetičkih materijala (WPC).

(3) Prostor koji se koristi za postavljanje stolova može se ograditi transparentno do visine stolova samo ukoliko je postavljena podna platforma, a iznimno u svrhu estetskog oblikovanja za ograđivanje se mogu koristiti žardinjere.

Lokacije i dimenzije ljetnih bašti prikazane su na grafičkom prilogu broj 2.

IV POSTAVLJANJE SLOBODNOSTOJEĆIH LJETNIH BAŠTI

Član 11.

(1) Slobodnostojeće ljetne bašte postavljaju se radi pružanja ugostiteljskih usluga na slobodnim otvorenim površinama i nisu direktno vezane za određeni ugostiteljski objekat.

(2) Dodjela lokacija za postavljanje slobodnostojećih ljetnih bašti vršit će se na osnovu javnog oglasa putem postupka javnog nadmetanja.

(3) Planom su utvrđene četiri slobodnostojeće ljetne bašte.

(4) Lokacije planiranih slobodnostojećih ljetnih bašti označene na tabelarnom pregledu pod rednim brojem 1., 2. i 3. nalaze se na dijelu platoa „Kameni spavač“, a pod rednim brojem 4. na dijelu platoa do stambeno – poslovnog objekta u dijelu do „ASA BANKE“.

Član 12.

(1) Slobodnostojeće ljetne bašte opremaju se jednoobraznim urbanim mobilijarom (stolovi i stolice), koje moraju biti moderno dizajnirane, izrađene od savremenih materijala.

(2) U slobodnostojećim ljetnim baštama mogu se postaviti suncobrani koji mogu biti četvrtasti, slobodnostojeći, jednoobrazni u crvenoj, sivoj, bež ili bijeloj boji, koji mogu imati reklamu samo po obodu.

(3) U slobodnostojećim ljetnim baštama nije predviđeno postavljanje mobilnog šanka i opreme za držanje pića.

Tabelarni prikaz slobodnostojećih ljetnih bašti:

BR	VRSTA OBJEKTA	LOKACIJA	POVRŠINA (m ²)
1.	Slobodnostojeća ljetna bašta (slobodna)	Dio platoa „Kameni spavač“	146,00
2.	Slobodnostojeća ljetna bašta (slobodna)	Dio platoa „Kameni spavač“	85,00
3.	Slobodnostojeća ljetna bašta(slobodna)	Dio platoa „Kameni spavač“	100,00
4.	Slobodnostojeća ljetna bašta(slobodna)	Dio platoa do „ASA BANKE“	75,00

Lokacije slobodnostojećih ljetnih bašti prikazane su na grafičkom prilogu broj 3.

V POSTAVLJANJE ZIMSKIH BAŠTI ISPRED UGOSTITELJSKIH OBJEKATA

Član 13.

(1) Sezona zimskih bašti u 2025. godini traje od 01.10.2025. do 31.03.2026. godine.

(2) Planom je odobreno postavljanje 35 zimskih bašti i to:

- 28 na postojećim lokacijama
- sedam (7) na novim lokacijama.

(3) Proširenje zimske bašte u odnosu na dimenzije utvrđene u Grafičkom prilogu koji čini sastavni dio Plana, može se omogućiti izuzetno, ako postoje urbanističko-tehnički uslovi za proširenje zimske bašte na javnu površinu.

Član 14.

(1) Postavljanje novih zimskih bašti ispred objekata u kojima se obavlja ugostiteljska djelatnost za sezonu 2026/2027 vrši se na osnovu podnesenih zahtjeva vlasnika ugostiteljskih objekata do 15.10. 2025. godine.

(2) Zimska bašta je montažnog tipa, čelične konstrukcije, obložena AL profilima, zatvorena kliznim staklenim stijenama, uz upotrebu svih savremenih materijala sa aspekta obrade enterijera i eksterijera. Krov bašte može biti pomični ili fiksni od materijala kao što su PVC, PVC hidroizolacijska membrana, staklo, impregnirana platna i slično. Zimska bašta uglavnom zauzima prostor ljetne bašte – ispred ugostiteljskog objekta, naslonjena na njega ili kao odvojeni (samostalni objekat). Ako se bašta naslanja na objekat, zavisno od lokacije dužina iste je u dužini ugostiteljskog objekta, a širinu bašte prilagoditi uslovima na terenu.

Tabelarni pregled postojećih zimskih bašti:

RB	L O K A C I J A	POVRŠINA (m ²)	ZONA	LOKACIJA ZIMSKE BAŠTE PREMA VRSTI OBJEKTA U KOJEM SE OBAVLJA UGOSTITELJSKA DJELATNOST	
				Poslovni prostor	Privremeni montažni objekat
1.	Trg Alije Izetbegovića („Ena“)	24,16	E zona		*
2.	Trg Alije Izetbegovića („Zara“)	29,30	E zona		*
3.	Trg Alije Izetbegovića („Venecia“)	58,50	E zona		*
4.	Trg Alije Izetbegovića („Collegium garden“)	89,44	E zona	*	
5.	Londža („Yumbo“)	36,25	E zona		*
6.	Londža („Lađana“)	21,00	E zona		*
7.	Bulevar kralja Tvrtka I („Viva“)	46,35	I-a zona		*
8.	Bulevar kralja Tvrtka I („Inn Macchiato“)	17,60	I-a zona	*	
9.	Safvet bega Bašagića („Kec“)	40,00	I-a zona		*
10.	Armije R BiH („Passage“)	24,64	I-a zona	*	
11.	Masarykova („MC Milano“)	65,00	I-a zona	*	
12.	Fra Ivana Jukića („Company Zara“)	39,85	I-a zona		*
13.	Dr. A. Aska Borića („Beny“)	18,56	I-a zona		*
14.	Dr. A. Aska Borića („Kaktus“)	24,00	I-a zona		*
15.	Dr. A. Aska Borića („Klopa“)	29,00	I-a zona		*
16.	Dr. A. Aska Borića („Salčinović“)	45,00	I-a zona	*	
17.	Uzunovića put („Piccolo“)	37,85	I zona	*	
18.	Travnička cesta („Mega food“)	18,00	I zona		*
19.	Bistua Nuova („Derby“)	53,40	I zona		*
20.	Bistua Nuova („Essen“)	6,60	I zona	*	
21.	Juraja Neidharta („Trend“)	25,55	II zona	*	
22.	Sarajevska („Veni“)	47,27	I-a zona	*	
23.	Crkvice („EON _B“)	16,50	II zona	*	
24.	Bulevar Kralja Tvrtka I („ZS“)	48,00	I-a zona	*	

25.	Fra Grge Martića („GREEN GRASS“)	35,04	I-a zona	*	
26.	Sarajevska (Club EE)	16,80	I-a zona	*	
27.	Trg rudara 2 (ćevabdžinica „Merdanović“)	54,78	I-a zona	*	
28.	Travnička cesta 40 (Caffè bar „Casablanka“)	30,60	I zona	*	
29.	Armije R BiH (fast food „BORDO“)	21,60	I-a zona	*	
30.	Dr. Abdulaziza Aska Borića (Restoran Gold)	34,65	I-a zona	*	
31.	Bulevar E. Eze Arnautovića (caffè bar „Anonimus“)	97,90	I-a zona		*
32.	Bulevar E. Eze Arnautovića (caffè bar A&T Logistis)	97,90	I-a zona		*
33.	Dobrovoljnih davalaca krvi (caffè bar „Balgera“)	48,00	II zona	*	
34.	Bulevar E. Eze Arnautovića (caffè bar „Infinity“)	70,00	I-a zona		*
35.	Dr. Safvet bega Bašagića (restoran „Pacifik“)	27,70	I-a zona	*	

Lokacije postojećih zimskih bašti prikazane su na grafičkom prilogu broj 4.

VI POSTAVLJANJE SLOBODNOSTOJEĆIH PRODAJNIH STOLOVA - TEZGI ISPRED TRGOV- INSKIH OBJEKATA ZA PRODAJU I IZLAGANJE ROBE

Član 15.

(1) Prodajni slobodnostojeći sto ili pokretna tezga je tipski, otvoreni, lako pokretni objekat namijenjen za izlaganje i prodaju robe, izrađen od drveta ili metala, jednostavnog oblika, tako da se rasklapanjem pretvara u horizontalnu ili vertikalnu površinu za izlaganje ili prodaju cvijeća, voća i povrća.

(2) Postavljanje tezgi ispred poslovnih prostora vrši se prema urbanističko-tehničkim uslovima koje izdaje Služba za urbanizam.

(3) Postavljanje tezgi vrši se frontalno cijelom dužinom poslovnog prostora u širini od maksimalno 1,0 m, pod uslovom da isti ne ugrožavaju saobraćaj i kretanje pješaka.

VII POSTAVLJANJE PRODAJNIH STOLOVA (POKRETNIH TEZGI) ZA PRODAJU UKRASNIH PREDMETA, BIŽUTERIJE I SLIČNO, TE PRODAJA PEČENJARSKIH PROIZVODA I UMJETNIČKIH SLIKA

Član 16.

(1) Samostojeći sto ili pokretna tezga je tipski, otvoreni, lako pokretni objekat za izlaganje i prodaju robe, izrađen od drveta ili metala, jednostavnog oblika, tako da se rasklapanjem pretvara u horizontalnu ili vertikalnu površinu za izlaganje i prodaju robe.

(2) Uz prodajni sto može se postaviti suncobran u bijeloj, bež ili sivoj boji, bez natpisa.

(3) Postavljanje samostojećih stolova za prodaju ukrasnih predmeta, bižuterije i slično, te prodaja pečnjarskih proizvoda i umjetničkih slika, vrši se prema urbanističko-tehničkim uslovima koje izdaje Služba za urbanizam.

(4) Planirano je 24 lokacije za postavljanje samostojećih stolova za namjene iz stava (3) ovog člana.

Postavljanje samostojećih stolova za prodaju ukrasnih predmeta, suvenira, bižuterije, knjiga i slično:

RB	L O K A L I T E T	BROJ
1.	Trotoar na Trgu Alije Izetbegovića (prema objektu „Kineski zid“)	6
2.	Trotoar ulice Londža (preko puta stambeno-poslovnog objekta „Maksuzija“)	3
3.	Trotoar ulice Dr. Abdulaziza-Aska Borića (preko puta parka „Papirna“)	3
U K U P N O :		12

Postavljanje uređaja za pečenje pečnjarskih proizvoda:

RB	L O K A L I T E T	BROJ
1.	Plato „Kameni spavač“	2
2.	Kamberovića polje	5
3.	Uz šetnicu Babina rijeka	2
U K U P N O :		9

Izlaganje i prodaja umjetničkih slika:

RB	L O K A L I T E T	BROJ
1.	Trg Alije Izetbegovića (uz bočnu fasadu stambeno-poslovnog objekta u dijelu koji pripada prodavnici „DM“)	1
2.	Ulica Maršala Tita uz objekat RK „Zeničanka“	1
3.	Ulica Maršala Tita (do Kamenog mosta)	1
U K U P N O :		3

Lokacije slobodnostojećih stolova za prodaju prikazane su na grafičkom prilogu broj 5.

VIII POSTAVLJANJE RASHLADNIH UREĐAJA (FRIŽIDERA) ZA PRODAJU NAPITAKA I SLADOLEDA

Član 17.

Postavljanje rashladnih uređaja (frižidera) za prodaju napitaka i sladoleda, vrši se prema urbanističko-tehničkim uslovima koje izdaje Služba za urbanizam i to frontalno ispred poslovnog prostora (kioska) u širini od maksimalno 1,0 m, pod uslovom da takvi uređaji ne ugrožavaju saobraćaj i kretanje pješaka po trotoarima.

IX POSTAVLJANJE PRODAJNIH STOLOVA POVODOM PRAZNIKA

Član 18.

Nova godina

(1) Period korištenja javne površine za prodaju proizvoda kućne radinosti, suvenira, bižuterije, za novogodišnje praznike je od 15.12.2025. do 15.01.2026.godine.

(2) Planom je predviđeno 26 prodajnih mjesta za novogodišnje praznike na lokalitetima kako je prikazano u tabeli:

RB	LOKACIJE ZA NOVU GODINU	BROJ
1.	Trg Alije Izetbegovića (plato „Stara pijaca“)	5
2.	Ulica Londža (kod OŠ „Edhem Mulabdić“)	5
3.	Ulica Dr. Abdulaziza-Aska Borića (preko puta parka „Papirna“)	10
4.	Bulevar Kulina bana (plato ispred stambeno-poslovnog objekta „Lamela“)	2
5.	Ulica Masarykova (plato ispred objekta „Pošte“)	2
6.	Ulica Blatuša (plato ispred samoposluge „Best“)	2
U K U P N O:		26

Osmi mart

(3) Period korištenja javne površine za prodaju proizvoda kućne radinosti, suvenira, bižuterije i cvijeća za osmomartovske praznike je od 06.03. do 09.03.2025. godine.

(4) Planom su predviđena 34 prodajna mjesta za 8. mart na lokalitetima kako je prikazano u tabeli:

RB	LOKACIJE ZA 8. MART	BROJ
1.	Trg Alije Izetbegovića (plato „Stara pijaca“)	5
2.	Trg Alije Izetbegovića (od objekta „DM“-a do „Kamenog spavača“)	8
3.	Ulica Londža (kod OŠ „Edhem Mulabdić“)	5
4.	Ulica Dr. Abdulaziza-Aska Borića (preko puta parka „Papirna“)	10
5.	Bulevar Kulina Bana (plato ispred stambeno-poslovnog objekta „Lamela“)	2
6.	Ulica Masarykova (plato ispred objekta „Pošte“)	2
7.	Ulica Blatuša (plato ispred samoposluge „Best“)	2
U K U P N O:		34

Vjerski praznici

(5) Period korištenja javne površine za prodaju proizvoda kućne radinosti, suvenira, bižuterije i cvijeća za vjerske praznike će se prilagoditi datumu praznika.

(6) Predviđeno je 16 prodajnih mjesta za vjerske praznike na lokalitetima kako je prikazano u tabeli:

RB	LOKACIJE ZA VJERSKE PRAZNIKE	BROJ
1.	Trg Alije Izetbegovića (plato „Stara pijaca“)	3
2.	Ulica Ivana Gundulića (plato gradske kapele)	9
3.	Ulica Ivana Gundulića (kapija II gradskog groblja „Crkvice“)	2
4.	Ulica Prašnice (kapija gradskog groblja „Prašnice“)	2
U K U P N O:		16

Lokacije planiranih prodajnih stolova povodom praznika prikazane su na grafičkom prilogu broj 6.

X POSTAVLJANJE DJEČIJE IGRAONE – TRAMPOLINE**Član 19.**

(1) Za postavljanje dječije igraone na napuhivanje planirana je jedna lokacija sa sjeverozapadne strane poslovnog objekta RK „Bosna“.

(2) Period korištenja je od 01.05. do 30.09.2025. godine.

Lokacija planirana za postavljanje dječije igraone-trampoline prikazana je na grafičkom prilogu broj 7.

XI POSTAVLJANJE REKLAMNIH OBJEKATA**Član 20.**

(1) Reklamni objekti – rasvjetni reklamni stub i pano tipa „led bilbord“, „jumbo pano“ i „city light“ postavlja se na javnu površinu, a dodjela lokacija za postavljanje ovih panoa vrši se na osnovu javnog oglasa putem javnog nadmetanja.

(2) Planom su predviđene ukupno 53 lokacije za postavljanje reklamnih panoa.

Tabelarni pregled:

RB	VRSTA REKLAMNOG PANO	BROJ
1.	City light	20
2.	Jumbo panoi	27
3.	Led bilbord	4
4.	Okrugli rasvjetni reklamni stub	2
U K U P N O:		53

(3) Izuzetno, može se odobriti privremeno postavljanje opreme za javno oglašavanje na mjestima koja nisu određena ovim planom, kao i odrediti mjesta za slobodno plakatanje, ako postojeći objekti ne zadovoljavaju povećanu potrebu za oglašavanjem, a na osnovu urbanističko-tehničkih uslova koje određuje Služba za urbanizam.

Lokacije planirane za postavljanje reklamnih panoa prikazane su na grafičkom prilogu broj 8.

XII ZAVRŠNE ODREDBE**Član 21.**

Naknada za privremeno korištenje javne površine obračunat će se i plaćati prema odredbama člana 24. Odluke o privremenom korištenju javne površine i Tarifnika o visini naknade za korištenje javnih površina („Službene novine Grada Zenica“, broj 3/24).

Član 22.

Privremeni objekti koji su postavljeni u ulici Trg Alije Izetbegovića u periodu važenja ovog plana mogu zadržati lokaciju sve do početka radova na uređenju ulice Trg Alije Izetbegovića.

Član 23.

Za period trajanja sezone zimskih bašti 2025/2026. godine Planom korištenja javnih površina na području Grada Zenica za 2025. godinu se odobrava i postavljanje novih zimskih bašti ispred objekata u kojima se

obavlja ugostiteljska djelatnost, a na osnovu zahtjeva vlasnika ugostiteljskih objekata podnesenih do 10. 3. 2025. godine.

Član 24.

Plan korištenje javnih površina na području grada Zenica za 2025. godinu stupa na snagu danom donošenja, a objaviće se u „Službenim novinama Grada Zenica“.

Broj: 01-45-4605/25

Zenica, 24. 2. 2025. godine

PREDSJEDAVAJUĆA
GRADSKOG VIJEĆA
Snježana Vrhovac, s.r.

GRADONAČELNIK

23.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, broj: 12/03, 34/03 i 65/13), a u vezi sa članom 34. tačka 5) i 6) Statuta Grada Zenica („Službene novine Grada Zenica”, broj: 5/15), Gradonačelnik Grada Zenica donosi

R J E Š E N J E

o imenovanju Nadzornog odbora Javnog preduzeća za upravljanje i održavanje sportskih objekata d.o.o. Zenica

I

U Nadzorni odbor Javnog preduzeća za upravljanje i održavanje sportskih objekata d.o.o. Zenica imenuju se:

1. Elvedin Arnaut, bakalaureat/bachelor sporta i tjelesnog odgoja,
2. Nedžad Heco, diplomirani inženjer mašinstva,
3. Senita Malkić-Karamuja, magistar psihologije.

Imenovani članovi Nadzornog odbora izabraće predsjednika između sebe.

II

Mandat izabranih članova Nadzornog odbora je u trajanju od četiri godine.

III

Ovo rješenje stupa na snagu danom donošenja i objavit će se u „Službenim novinama Grada Zenica”.

Broj: 02-45-3271/25

Zenica, 17.02.2025. godine

GRADONAČELNIK
Fuad Kasumović, s.r.

24.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, broj: 12/03, 34/03 i 65/13), a u vezi sa članom 34. tačka 5) i 6) Statuta Grada Zenica („Službene novine Grada Zenica”, broj: 5/15), Gradonačelnik Grada Zenica donosi

R J E Š E N J E

o imenovanju Nadzornog odbora Javnog preduzeća “Gradsko groblje” d.o.o. Zenica

I

U Nadzorni odbor Javnog preduzeća „Gradsko groblje” d.o.o. Zenica imenuju se:

1. Ibrahim Pašalić, diplomirani pravnik,
2. Šerif Ćivić, diplomirani ekonomista,
3. Benjamin Kadrić, prvostupnik (bachelor) inženjer zaštite na radu.

Imenovani članovi Nadzornog odbora izabraće predsjednika između sebe.

II

Mandat izabranih članova Nadzornog odbora je u trajanju od četiri godine.

III

Ovo rješenje stupa na snagu danom donošenja i objavit će se u „Službenim novinama Grada Zenica”.

Broj: 02-45-3273/25
Zenica, 17.02.2025. godine

GRADONAČELNIK
Fuad Kasumović, s.r.

25.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi sa članom 34. tačka 5) i 6) Statuta Grada Zenica ("Službene novine Grada Zenica", broj: 5/15), Gradonačelnik Grada Zenica donosi

R J E Š E N J E

o imenovanju Nadzornog odbora Javnog preduzeća "Tržnica" d.o.o. Zenica

I

U Nadzorni odbor Javnog preduzeća „Tržnica” d.o.o. Zenica imenuju se:

1. Murisa Tuka, diplomirana pravica,
2. Smaragda Imamović, diplomirana pravica,
3. Emina Gazić, diplomirana pravica.

Imenovani članovi Nadzornog odbora izabraće predsjednika između sebe.

II

Mandat izabranih članova Nadzornog odbora je u trajanju od četiri godine.

III

Ovo rješenje stupa na snagu danom donošenja i objavit će se u „Službenim novinama Grada Zenica”.

Broj: 02-45-3274/25
Zenica, 17.02.2025. godine

GRADONAČELNIK
Fuad Kasumović, s.r.

26.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi sa članom 34. tačka 5) i 6) Statuta Grada Zenica ("Službene novine Grada Zenica", broj: 5/15), Gradonačelnik Grada Zenica donosi

R J E Š E N J E

o imenovanju Nadzornog odbora Javnog preduzeća "Grijanje" d.o.o. Zenica

I

U Nadzorni odbor Javnog preduzeća „Grijanje” d.o.o. Zenica imenuju se:

1. Hasan Helvida, magistar ekonomskih nauka,
2. Elvir Nesimović, magistar pravnih nauka,
3. Kenan Livnjak, diplomirani inženjer mašinstva.

Imenovani članovi Nadzornog odbora izabraće predsjednika između sebe.

II

Mandat izabranih članova Nadzornog odbora je u trajanju od četiri godine.

III

Ovo rješenje stupa na snagu danom donošenja i objavit će se u „Službenim novinama Grada Zenica”.

Broj: 02-45-3276/25
Zenica, 17.02.2025. godine

GRADONAČELNIK
Fuad Kasumović, s.r.

27.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09), člana 34. tačka 6. Statuta Grada Zenica ("Službene novine Grada Zenica", broj: 5/15), Gradonačelnik Grada donosi

RJEŠENJE

o imenovanju na kraći period Upravnog odbora Javne ustanove Predškolski odgoj i obrazovanje Zenica

I

U Upravni odbor Javne ustanove Predškolski odgoj i obrazovanje Zenica na kraći period, do okončanja konkursne procedure po oglasu, a najduže na period od tri mjeseca imenuju se:

1. Alma Ščetić, diplomirana pravica – predstavnik Osnivača,
2. Alisa Trtak, profesor razredne nastave – predstavnik stručnog osoblja Ustanove,
3. Rahima Huseinović-Kovač, profesor njemačkog jezika i književnosti – predstavnik Vijeća roditelja.

II

Ovo rješenje stupa na snagu danom donošenja i objavit će se u "Službenim novinama Grada Zenica".

Broj: 02-45-3372/25

Zenica, 18.02.2025. godine

GRADONAČELNIK
Fuad Kasumović, s.r.

28.

Na osnovu člana 60. i 61. Zakona o budžetima u FBiH ("Službene novine FBiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica ("Službene novine Grada Zenica", broj 5/15) i člana 23. Odluke o izvršavanju Budžeta Grada Zenica za 2025. godinu, broj 01-11-2324/25 od 04.02.2025. godine, Gradonačelnik Zenice donosi

ZAKLJUČAK

o odobravanju izdvajanja sredstava iz tekuće budžetske rezerve

I

Odobrava se izdvajanje novčanih sredstava iz Budžeta Grada Zenica za 2025. godinu Školi nogometa "Nogometni klub Čelik Zenica", u ukupnom iznosu od 20.000,00 KM, u svrhu sufinansiranja tekućih troškova.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2025. godinu, a u svrhu obezbjeđenja nedostajućih sredstava na organizacionom kodu 59010001 - Služba za socijalnu zaštitu, stambene poslove i društvene djelatnosti, ekonomski kod 614300 - Tekući transferi neprofitnim organizacijama, funkcija 0811.

III

Za realizaciju ovog Zaključka zadužuje se Služba za socijalnu zaštitu, stambene poslove i društvene djelatnosti i Služba za finansije, koja će navedena sredstva uplatiti na račun Škole nogometa "Nogometni klub Čelik Zenica", broj: 102-010-0000048227 otvoren kod Union banke d.d. Sarajevo.

IV

O utrošku sredstava korisnik je dužan podnijeti izvještaj Službi za socijalnu zaštitu, stambene poslove i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-2642/25

Zenica, 07.02.2025. godine

GRADONAČELNIK
Fuad Kasumović, s.r.

**JU "Dom za stara lica Zenica" Zenica
UPRAVNI ODBOR**

29.

Na osnovu člana 25. Pravila JU „Dom za stara lica Zenica“ Zenica br. UO 01-35-229-1/21 od 30.06.2021.godine, Poslovnika o radu Upravnog odbora broj: 02-35-273/17 od 05.01.2018. godine, na sjednici Upravnog odbora održanoj 10.02.2025. godine donesena je

O D L U K A**o izmjenama Pravila JU „Dom za stara lica
Zenica“ Zenica br. UO 01-35-229-1/21 od
30.06.2021. godine****Član 1.**

U članu 2. Pravila briše se riječ kolektivni ugovor.

Član 2.

U članu 25. briše se stav (2) koji glasi:

„JU „Dom za stara lica Zenica“ Zenica je obavezna pribaviti predhodnu saglasnost Osnivača kod donošenja, izmjene i dopune općih akata koje regulišu unutrašnju organizaciju i sistematizaciju radnih mjesta, plaća i naknada radnika.“

U članu 25. briše se i stav (3) koji glasi:

“Prilikom traženja predhodne saglasnosti, neophodno je dostaviti Osnivaču detaljno obrazloženje prethodnih izmjena i dopuna općih akata.“

Član 3.

U članu 33. alineja 5 koja glasi:

„ - priprema za Upravni odbor prijedlog općih akata koji regulišu unutrašnju organizaciju i sistematizaciju radnih mjesta, plaća i naknada radnika, uz obaveznu prethodnu saglasnost Osnivača“ briše se uz obaveznu prethodnu saglasnost Osnivača.

Član 4.

Na osnovu ove Odluke potrebno je sačiniti prečišćen tekst Pravila JU „Dom za stara lica Zenica“ br. UO 01-35-229-1/21 od 30.06.2021. godine.

Član 5.

Izmjene i dopune Pravila Ustanove vrše se na način i po postupku predviđenim za njegovo donošenje.

Član 6.

Ustanova ima obavezu da najkasnije u roku od 60 dana od dana donošenja ove Odluke prema potrebi uskladi ostale akte Ustanove sa ovom Odlukom.

Član 7.

Odluka stupa na snagu danom donošenja, a primjenjuje se danom dobijanja saglasnosti Osnivača i bit će objavljena u „Službenim novinama Grada Zenica“.

Broj: UO 01-35-83-1/25
Zenica, 11.02.2025. godine

PREDSJEDNIK

UPRAVNOG ODBORA

Mr. sc. Tajib Babić, dipl. psiholog, s.r.

S A D R Ź A J

GRADSKO VIJEĆE

20. Odluka o prenosu prava vlasništva na zemljištu i objektima u krugu kompleksa
JU Kantonalna bolnica Zenica, uz naknadu 1
21. Odluka o dopunama Odluke o organizaciji i sigurnosti saobraćaja 3
22. Plan korištenja javnih površina na području Grada Zenica za 2025. godinu 3

GRADONAČELNIK

23. Rješenje o imenovanju Nadzornog odbora Javnog preduzeća za upravljanje i održavanje
sportskih objekata d.o.o. Zenica 12
24. Rješenje o imenovanju Nadzornog odbora Javnog preduzeća "Gradsko groblje"
d.o.o. Zenica 12
25. Rješenje o imenovanju Nadzornog odbora Javnog preduzeća "Tržnica" d.o.o. Zenica 13
26. Rješenje o imenovanju Nadzornog odbora Javnog preduzeća "Grijanje" d.o.o. Zenica 13
27. Rješenje o imenovanju na kraći period Upravnog odbora Javne ustanove Predškolski
odgoj i obrazovanje Zenica 14
28. Zaključak o odobravanju izdvajanja sredstava iz tekuće budžetske rezerve 14

JU "DOM ZA STARA LICA ZENICA" ZENICA UPRAVNI ODBOR

29. Odluka o izmjenama Pravila JU „Dom za stara lica Zenica“ Zenica br. UO 01-35-229-1/21
od 30.06.2021. godine 15